



Святый Димитрій Митрополитъ
Ростовскій и доноворецъ.

Браг . Г. Харитоновъ

А Б Т О П И С
ИЖЕ ВО СВЯТЫХЪ ОТЦАХЪ НАШЕГО
ДИМИТРИ
МИТРОПОЛИТА РОСТОВСКАГО
ЧУДОТВОРЦА,

с к а з у ю щ а я

Дѣянїя отъ начала міробытїя до Рожде-
ства Христова, собранная изъ Боже-
ственнаго писанїя, изъ различныхъ Хро-
нографовъ и Испорїографовъ Грече-
скихъ, Славенскихъ, Римскихъ, Поль-
скихъ, Еврейскихъ и иныхъ,

съ присовокупленїемъ
богоугоднаго житїя сего Святителя, ду-
ховной граммати, келейныхъ записокъ
и гравированнаго его портрета.

вторымъ тисненїемъ,
съ настоящаго подлинника писаннаго соб-
ственною Священнаго рукою,

и з д а л ъ

Василій Соликовъ.

Ч А С Т Ъ П Е Р В А Я.

Напечатано съ разсмотренїя и дозволенїя
Святѣйшаго Правительствующаго Синода.

ВЪ САНКТПЕТЕРБУРГѢ,
При Императорской Академіи Художествъ,
1796 года.

Помыслихъ дни первыя и лѣта
вѣчная помянухъ и поучихся.

Псаломъ 76. ст. 6.

ПРЕДИСЛОВІЕ.

Вѣстно буди, ему же случится въ убогій мой лѣпописный трудъ сей приникнути, яко писанная здѣ не съ таковымъ намѣреніемъ писашася, еже бы шипомъ въ мѣръ издаши, и въ вѣденіе книжнымъ людямъ подаши по, еже вси, ово опъ святыхъ Библій, ово же опъ различныхъ Хронографовъ добръ вѣдѣтъ: довольныи бо обрѣтаются на иностранныхъ языцѣхъ печатныи, на нашемъ же Славенскомъ рукописныи Хронографы съ проспранными Испоріями. И не надлежаше ми къ наполненнымъ жишницамъ малая нѣкая прилагати зерна: и къ наводненнымъ рѣкамъ горсть воды вливаши; ни къ проспраннымъ Хронографамъ крашкое приложиши лѣточисленіе. Ниже нужда ми бѣ, вѣдущимъ, повѣстествовати, и благоразумныя вразумляти: но моего ради вѣденія, и келейнаго чтенія, не яко нарочно, опъ своего ума книгу инѣхъ ради пишай, но яко опъ многихъ книгъ изряднѣйшая въ наученіе себѣ собираай, по-

нудихся сію помощію Божіею писати книжицу. Аще же та и въ иныхъ книгочишашелей руки внидешъ, и аще кому будешъ угодна, о помъ да прославишся имя Господне, о Немъ же есмы живемъ, и движемся, и глаголемъ, и пишемъ.

Не буди же чшущему удивительно сіе, яко писанная здѣ не паковымъ чиномъ писашася, каковъ обычно хранишся въ Хронографахъ и Историографахъ, дѣянія токмо кїихъ царствъ и народовъ прежде бывшая сказующихъ: здѣ же между дѣянїями на нѣкїихъ мѣстехъ иная различная по прилучаю, ово полковапельная, ово разсмотрительная, ово нравоучительная духовная бесѣдованїя положишася. Писашася бо, яко же рѣхъ, себе ради токмо: и еже прилучися гдѣ въ божественнаго писанїя толкованїяхъ моему художеству мнящееся быти изрядное, или душѣ моей полезное, то и написахъ здѣ. Яко же бо кто злато и сребро, и жемчугъ, и что либо ошъ драгихъ вещей во единъ ковчежець влагаетъ: сїце и азъ собирая ошъ различныхъ во едину книжицу сію

вкратцѣ вложихъ, елика собрати воз-
могахъ, и елико ми въ семъ упражня-
пися попусти время, подлежащимъ
мнѣ инѣмъ дѣламъ во управленіи на-
ложеннаго церковнаго моему недо-
стоинству ига.

Да явѣ же будетъ разность Исто-
ріи ошъ прочіихъ между ними сказаній,
положися самая Исторія большими
письмены; а яже къ Исторіямъ при-
спеженія, та меньшими письмены при-
ложишася. Богъ же да дастъ чшущимъ
и внимающимъ усердіе къ чтенію и
внятію въ снисканіе душевныя пользы.

Вопросъ. Чесо ради подобаетъ
кому чищати и вѣдати Божеспвенное
писаніе, и яже въ немъ Исторію, и
прочія ово учительскія, ово же Исто-
рическія книги?

Отвѣтъ. Трѣхъ ради винъ:

1. Познанія ради Бога.
2. Управленія ради себе самаго.
3. Насправленія ради ближняго.

Въ первыхъ: *Познанія ради Бога.*
Господь нашъ Іисусъ Христосъ во
святомъ Евангеліи глаголетъ: *Ислы-* Иоанна 5.

тайте писанія, яко вы мните въ нихъ имѣти животъ вѣчный, и та суть свидѣтельствующая о мнѣ. Въденіемъ божественныхъ книгъ обрѣтается животъ вѣчный. И что есть животъ вѣчный, развѣ истиннаго вѣчнаго Бога познаніе, яко же самая Божія воплощенная премудрость Христосъ

Іоанна 17.

ко Отцу своему глаголетъ: Сеже есть животъ вѣчный, да знаютъ Тебе единого истиннаго Бога, и его же послалъ еси Іисуса Христа.

Сіе же истиннаго Бога познаніе откуда приходитъ человѣку, аще не отъ святаго писанія: того ради хощя Христосъ ученикомъ своимъ познать быти, и проповѣдью ихъ всему міру въ познаніе пріити, первѣе отверзе имъ умъ разумѣти писанія: просвѣцовъ, не книжныхъ, во Апостольство избра, книжныхъ же ихъ и умудренныхъ на проповѣдь посла.

Луки 24.

2. *Управленія ради себе самаго. Свяшый Апостоль Павелъ къ Тимоѳею святому пишетъ сие: Измлада священная писанія умѣши, могущая тя умудрити во спасеніе. Се*

2. Тим. 3.

явѣ есть, что человека управляетъ, наставляетъ, и ко спасенію руководствуетъ: сіе еже вѣдѣши Божественное писаніе. Того ради святыи Іоаннъ Златоустъ увѣщаваеши ны глаголя:

„Книги святыя въ руцѣ примете, и пользу въ нихъ сущую съ великимъ прилѣжаніемъ пріемлите. Опшуду бо раждается корысть многа: первѣе языкъ чщеніемъ (въ доброрѣчіе) управляетъ, шаже душа пріемлетъ духовныя крылѣ, и возноситъся горѣ, и сіяніемъ солнца правды просвѣщается. Къ сему же: яко же чувственный хлѣбъ умножаетъ силы тѣла, сие чтеніе подаетъ душѣ силу; пища бо есть духовная, и крѣпку творитъ душу, и постояннѣйшу, и любомудрственнѣйшу, не попуская ей опъ спрасей грѣховныхъ япой быти: но легку и крылату творя ю, въ небо преноситъ.“ До здѣ Златоустъ.

Св. Златоустъ бѣсѣда 29. на Бытія.

Другій же учитель святыи Іоаннъ Дамаскинъ, о той же духовной опъ чтенія книжнаго бываемой пользѣ глаголетъ сие: „Яко же древо при исходѣ дицахъ водѣ насажденное, шако душа

Дамаскинъ книга 4. о вѣрѣ, глава 18.

„божественнымъ напаяема писаніемъ
 „шучишся, и плодъ зрѣлъ даетъ,
 „вѣру православную, и присно-зеле-
 „ными листья, богоугодными, глаголю,
 „красишся дѣяньми, къ дѣянію же
 „богоугодному, къ видѣнію безмужну,
 „и къ богомысленности несмущаемой
 „помыслами отъ святыхъ писаній
 „устраиваемся. Всякія бо добродѣтели
 „призваніе, и злобы всякія отвращеніе
 „въ сихъ обрѣщаемъ.“ И наки шой же
 къ прилѣжанію книжному увѣщавая ны
 глаголетъ: „Толдемъ въ добрѣйшій
 „рай писаній, благовонный, сладчай-
 „шій, краснѣйшій, всяческихъ умныхъ
 „богоносныхъ цѣлицъ пѣснями огла-
 „шающе наша ушеса, касающе на-
 „шего сердца, и скорбное утѣшающе,
 „ярящееся упокояюще, и радости
 „присносущныя напаяюще.“ До здѣ
 Дамаскинъ. Кая же пища отъ не-
 чистенія и невѣденія книгъ происходитъ,
 изъясляетъ святой Анастасій Никей-
 скій, (то же и святой Златоустъ)
 глаголя: „Яко же не возможно есть
 „землѣ дождемъ не напоенной растиши
 „класы, аще бы и тысящу разъ была
 „насѣваема; сие уму божественнымъ
 „писаніемъ не напоенному, неудобно

Святой
 Анастасій
 на святое
 писаніе.
 Тоже и у
 Златоус-
 таго обрѣ-

„есть кій плодъ (духовный) соотво-
 „риши, аще бы ему кто и тысящу
 „словесъ изліялъ. Велико убо естъ
 „зло, еже невѣдѣши писанія, и аки
 „скопу несмысленну быши; безчи-
 „сленная бо злая раждаются отъ не-
 „вѣденія писанія. Отшуду прозябоша
 „ереды великія ереспическѣ, отшуду
 „жишѣ небрежливое, шруды непо-
 „лезныя, слѣпоша душевная, прель-
 „щеніе діавольское. Яко же бо плош-
 „скимъ очима слѣпошествоующіи, пра-
 „вымъ путемъ ходиши не могутъ;
 „тако и невѣдущіи божественнаго пи-
 „санія, ни къ шѣхъ лучамъ взирающіи,
 „часто претыкаются, и убѣждаются
 „выну согрѣшаши.“ До здѣ Анастасій
 и Златоустъ. Учишся же человекъ
 добръ и богоугоднѣ жиши отъ образа
 прежде жителствовавшихъ добродѣ-
 тельно, ихъ же не инамо кто обрѣсти
 можетъ, шочію въ Исторіяхъ боже-
 ственнаго писанія, церковныхъ и граж-
 данскихъ. Того ради и благочестивый
 Царь Греческій Василій Македонъ, сы-
 ну своему Льву премудрому завѣща-
 ваетъ, глаголя: „Списанія древнихъ
 „дѣяній всегда прочитовати не лѣнися;
 „въ шѣхъ бо обрящеши безъ шруда,

тается въ
 предсловіи
 изъ послан.
 Павлова.

Василій
 Македонъ
 1. приво-
 дится на

подтверж-
деніе отъ
Баронія.

„яже иныи многимъ прудомъ сниска-
ша, и опшуду добрыхъ добрая,
„злыхъ же злая дѣла уразумѣши.
„Такожде и жизни человѣческїя много-
„образная премѣненїя, и вещей пре-
„вращенїя, непостоянство же міра
„сего и царствъ удобное паденїе по-
„знаеши, и да вкратцѣ реку: злымъ
„дѣламъ послѣдствующую казнь, до-
„брымъ же воздаянїе увѣси. Злыхъ
„убо отбѣжиши, да не постигнешъ шя
„лющее (отъ Бога) опмщенїе: добрая
„же возлюбиши и самимъ дѣломъ ша
„въ тебѣ исправиши, яко да воздаянїе
„доброе за ня получиши сподобишися.“
То завѣщанїе Македоново сыну.

3. Наставленїя ради ближняго.

Паки свяшый Апостоль Павель къ
Тимоѣею святому пишетъ глаголя:
2. Тим. 3. *Всяко писанїе богодухновенно и по-
лезно есть къ наугенїю, къ обличе-
нїю, къ исправленїю, къ наказанїю.*
Христїанскїй человѣкъ по Божїей за-
повѣди долженъ есть любити ближ-
няго яко себе. Аще же любити яко
себе, убо и спасенїя ему яко же и
себѣ желати и искати долженствуетъ.
То бо есть извѣстнѣйшее истинныя

любве знаменіе, паче всѣхъ инѣхъ
 шѣлу твормыхъ благодѣтельствъ,
 еже невѣжду научити, согрѣщающаго
 исправити, и погибающую душу взы-
 скаши, и пріобрѣсти во спасеніе. Не-
 брегѣй же о спасеніи ближняго, не
 любящъ того яко себе, ниже имать
 истинныя любве къ Богу. Но речешъ
 кто: довлѣетъ мнѣ себе смотрѣти,
 а не другаго; довлѣетъ ми своему
 внимати спасенію, а не о прочихъ спа-
 сеніи пещися. Таковому оповѣщаваешъ
 святой Златоустъ, глаголя: „Егда
 „облѣнишися прилѣжати о братѣ, не
 „возможеша инако спастиися.“ И паки;
 „Аще и вся исправимъ, а ближняго не
 „пользуемъ, не внидемъ въ царство.“
 И паки: „Ни едино исправленіе велико
 „быти можетъ, егда пріобрѣтенія
 „въ другихъ не преподаешъ, сіесть;
 „не довлѣетъ мужу добродѣтельному
 „ко спасенію свое исправленіе, аще
 „и прочія не пользуется и не испра-
 „вляешъ.“ Того ради паки глаголетъ:
 „Каждо да ищетъ спасенія ближнихъ;
 „искаши же ближнихъ спасенія естъ
 „пользовати другъ друга, яко же
 „учишъ Апостоль святой Павелъ:
 „Созидайте каждо ближняго, сіесть,

Св. Злато-
 устъ на
 послан. 1.
 къ Корин.
 нрав. 25.
 листъ 838.
 На послан.
 къ Ефес.
 нравоуч. 4.
 лис. 1611.
 На 1. посл.
 Коринѣ. 7.
 нрав. 25.
 листъ 836.

2. Сол. 3.
 нравоуч. 5.
 лис. 3362.

1. Сол. 3.

„пользуйте. А польза бываетъ, ово
„опъ добродѣтельнаго житія, ово опъ
„слова, егда челоуѣкъ не пощю самъ
„богоугодно живетъ, но и другія на
„богоугодное житіе наставляетъ сло-
„весы полезными, уча, увѣщава, на-
„казуя и совѣщуя уклонитися опъ
„зла, и швориши благое.“

Паки кто речетъ: нѣсмь учитель,
ни Іерей, ни духовникъ, ни паспырь
душъ, не надлежитъ ми кого учипи.
Таковому опвѣщаетъ свяшый Теофи-

Св. Теофи-
лакть на і
послан. къ
Солун. 3.
приводитъ
ся на под-
твержде-
ніе опъ
Корнилія,
на сіе мѣ-
сто лисъ
661.

лакть: „Не глаголи, нѣсмь учитель
„и наставникъ, иныя учипи и пользо-
„ваши не долженствую: лжеши, учи-
„тели бо не доваѣютъ къ наставленію
„всѣхъ по единому, хочетъ же Богъ,
„да каждо наставляетъ и созидаетъ
„другаго.“ До здѣ Теофилакть. Но

и въ вѣшхомъ завѣшѣ Давидъ свяшый
Царь суци, не имѣлъ ли попеченія о
пользѣ ближнихъ: не училъ ли и не
наставлялъ ли грѣшниковъ на добрая
дѣла? *Науку (рече) беззаконныя лу-
темъ Теомъ, и неестивѣи къ Тебѣ
обратятся. Кольми паче мы ново-
благодатніи сынове то швориши дол-
женствуемъ.*

Псал. 50.

Аще же должность есть Христїанская сія, да учить другъ друга и наставляеѣтъ ко спасенїю, то како кто можетъ научиши другаго, егда самъ не будетъ искусенъ во святомъ писанїи, ни вѣдый древнихъ дѣянїй? Како наставитъ инаго на путь правый, самъ не зная пути своего? Камо идешъ? На таковомъ собывается Евангельская припѣча: *Слѣлецъ аще Матѣ. 13. слѣльца поведетъ, оба въ яму владѣта.*

Тѣхъ убо ради предреченныхъ прїехъ винъ пошребно есть всякому чтенїе и вѣденїе писанїя божественнаго, и прочихъ книгъ полезныхъ.

Паки *вопросъ*. Чесо ради изволилъ есть Богъ создати всю шварь, яже на небеси горѣ, и яже на земли низу?

Отвѣтъ. Богу безначальному и безконечному, Царю всѣхъ вѣковъ, безсмертному, крѣпкому, премудрому, въ Божественной своей силѣ и Господствѣ совершенному, ниже коего недостаточества имущему, ни къ совершенству своему чесо пребующему, но всему въ себѣ довольну, полную, изоби-

лующу, велику, прехвальну и пре-
 славну, не надлежаше нужда, ниже
 какая потреба, еже создаши видимый
 сей міръ и невидимый, горная и доль-
 ная, и небесная и земная, Ангеловъ
 и челоѡковъ, и всякую тварь; но вся
 та отъ преизобилующія въ Немъ бла-
 гости, и премудрости, и силы со-
 здаши изволилъ есть, являя всемо-
 гущую свою силу, непостижимую пре-
 мудрость, и неисчерпаемую благость,
 сущи преисполненъ тоя, аки чаша
 преизливающаяся, аки рѣка наводнен-
 ная, бреги своя преходящая, и удолия
 земли напаяющая: сие Онъ преблагій
 Богъ отъ исполненія своего преизо-
 бильнаго, на созданіе изліяся, самъ
 же ни чимъ же умалися. Ибо яко же
 святой Василій Великій глаголетъ:
 „Малѣйшая часть Содѣшелевы силы,
 „есть сотворенное. Яко же бо скудель-
 „никъ отъ художества своего шмо-
 „численные создавъ сосуды, ниже
 „художества, ниже силу изнури: тако
 „и всего сего Содѣшель, не единому
 „міру имѣя шворительную силу, но
 „на безконечногубое превосходящую,
 „мгновеніемъ хотѣнія единѣмъ, воеже
 „быти приведе величества видимыхъ.“
 До здѣ Василій.

Святый
 Василій
 Великій
 на шесто-
 дневъ бе-
 сѣда 1.
 листъ 1.
 на обор.